

Meeqqerivik Atualertussalerivik “Aanikasik”



2020-mut pilersaarut

**Perorsaaanermi ukiumoortumik pilersaarut:  
Imarisai**

Aallaqqaasiut.....	3
Iisarititsineq .....	4
Anguniakkat.....	5
Perorsaanermi anguniakkat.....	5
Meeqqat pisariaqartitaat.....	6
Meeqqueriviup perorsaanermi maleruagassai/ ilisarnaatai kulturalu.....	6

### **Ukioq qaangiuttumi ingerlassimasat**

Meeqqat peqataatinneqassapput.....	7
Atuisut.....	8
Sulisutigut.....	8

### **Ukiumi nutaami sammisassat / pilersarutit ulluinnarnilu aaqqissuussaaneq**

Ileqqut meeqqanullu immikkut sammisassaqaartitsineq.....	9
Angajoqqaanik suleqateqarneq sammisassaqaartitsinerlu.....	10
Sulisut suleqatigiinnerat, sammisassaqaartitsineq ineriartornerlu.....	10
Ukiumi aggersumi suna immikkut suliniuteqarfigineqassava.....	10
Naggasiut.....	11

### **Aallaqqaasiut**

Meeqperivik Atualertusalerivik "Aanikasik" ukiut sisamassaa atualertussalerivittut ingerlavoq.

Naalagaaffiit peqatigiit (FN) "**Anguniagaq 4 Pitsaassusilimmik anguniagaasoq**" imminnut attuumapput atuuttussanngorlugit iliuusissiorneqarput.

Meeqperiviup Inatsit nr 16. 3. December 2012. atuutsinneqalernerani Ilinniartitaanermut aqutsisoqarfik tunuliaqutaralugu Periutsit ilikkalertorfiusut Tunngaviit arfineq-marluk ( T 1-7) Lev S. Vygotsky'p isummersuutigisimasaa najoqqutaralugu, Berkeley (USA)-mi ilisimatoq Roland Tharp-ip, nunat inuiisa meerartaasa ilisimasaatigut qaffassaavigineqarnerinut, uppersaasarlugu misileraatigisimasaata, aammattaaq nunatsinni misileraatigineqartussianngortinneqarnerisigut. Maannalu piujuaannartussanngorlugit ingerlanneqalerluni. T 1-7 / O.I Oqaloqatigiilluni Ilitsersuineq" najoqqutaralugu. Atulerneranut aallaaviuvoq Hawai-imi misilerarneqarnikummat ukiuni 40-ni misissuereernikkut meeqqat ineriartortarnerannut iluaqutaasoq paasineqarmat. Meeqqat killiffiat aallaavigilluinnarlugu siuarsarneqassasut silassorissutsikkut, eqqarsalersitsinikkut oqallorissarnikkut, tassuuna meeqqat oqalunnerulernerat pilersinneqarluni, sulisut apersuinerulernerisigut. Taamaalluni uppersaasersuinerit angajoqqaanut ukiumut marloriarluni meeqqat killiffissiorneqarneri pillugit qulakkearniarneqartussaapput.

Meeqqat siunissami nunatsinni aqutsisunngornissaannik aqutissiuunneqartut aallutissallugit makkua sinakkutigalugit Perorsaarnikkut sammineqartussaqaq meeraq ullaamiit isernerminiit akisussaaffilersorneqarnera, meeqqatut naleqartutut misigitinnissaa, tatiginera annertusiartortillugu piginnaasatigut qaffakkiartorneq siuariartornermik malitseqassaaq.

Perorsaarnikkut anguniakkat, meeqqat killiffia aallaavigalugu timikkut tarnikkut qaammatikkaartumik pilersaarutit ingerlanneqaqqissapput. Avatangiisinik atorluaaneq aallunneqassaaq, tunngavinnik periutsit ilikkalertorfiusut T-1-7, sammisaqartitsinikkut meeqqat ineriartortut qaffassaavigineqassapput, oqaluttuarisaaneq kulturikkut aammalu nunatta pissarititaanik tunngavilinnik.

Atualertussat ikaarsaarnissaannut atuarfimmuut pilersaarutit ingerlateqqinneqassapput

Qeqqata Kommuneani meeqqat inuusuttullu pillugit politik tunngavigalugu meeqperiviit ataatsimoortumik anguniagaat.

Peqqissutsimut najoqqutassaqartoq malillugu ingerlavugut.

Takuneqarsinnaapput [www.Qeqqata.gl](http://www.Qeqqata.gl)

## **Ilisaritinnera**

Aqqa: Meeqperivik Atualertussalerivik "Aanikasik"

Meeqkerik ”Aanikasik” atigivaa arnaq utoqqaq ”Aanikasik”-mik taagukkap illukuata nalaaniikkami illu toqqavik.

Illu najugaq:

Esbjerg-ip aqq B-750 Boks 11.

3912 Maniitsoq, Qeqqata Kommunea.

Email: aanikasikmaniitsoq @qeqqata.gl

Oqarasuaatit:Allaffik 813375/ 383870

Meeqqanut 54-nut inissaqarpoq init sisamaasunut agguarsimasunut:

13, 14, 13, 14. Init marluk meeqqanut inigitinneqarput 4-5 ukiulinnut. Init marluk meeqqanut aappaagumut atualertussanut inigitinneqarput 5-6 ukiulinnut.

Meeqkerivinngorsimavoq Januar-ip 7-ni 1973-mi.

Inip qulliup tamakkiisumik initussusaa katillugu 368,6m<sup>2</sup>, aammalu kælder-i areal-eqarpoq 85,5m<sup>2</sup>. Illup ilua beton-giugami allanngortikkuminaatsuuvoq, tulluarsagaananilu

meeqkerivissatut, massakut pissutsit immikkut isigigaanni.

Meeqqat inaanni ini ilorleq pinnguarterfittut atortagaavoq. Innorluutilimmik meerateqarnermi sinittarfiuutigivoq.

**Ammasarpoq** nal: 6:45 -17:00

**Meeraq meeqkerivimmuut pisussanngoraangat:**

Sap.ak siulliit marluk pulaaqaarnissaanut periarfissinneqartarpoq. Pulaarnermini ulloq kingulleq angajoqqaaminit qimanneqarluni ullup qeqqasioqqaarluni aaneqartarpoq, taamaalilluni angajoqqaani qimalaarnissai ilinniartarpaa.

Meeraq atualertussalerivimmuut nuunnginnerani meeqkeriviup allaffia, perorsaanikkullu ataqatigiissaarisoq sulisui sulisussailu ataatsimiinnermi pilersaarusiortarput. Meerarlu nuuttussap killiffia pillugu paasititsissutigineqartaqarluni.

**Aggiussisarneq:** Angajoqqaat meeqqaminnik kingusinaartitsiniaraangamik nal: 9:00 kingusinnerpaamik nalunaartassapput.

Meeqqat meeqkerivimmiit tigujuanninneqarsinnaanngillat.

**Aallertarneq:**

Aallertoq kingusinnerpaamik Nal:16:45 isereersimassaaq. Nal:17:00 Meeqkerivik matussammat. Meeraq aaneqanngippat Nal:17:00 isumaginnittoqarfik saaffigineqassaaq, meerarlu aaneqartarpoq.

**Anguniakkat**

Qeqqata Kommuneani ataatsimut anguniagassat siunertaat pingaarnerpaaq: *meeqqat sulisullu toqqissisimanermik tapersorsorneqarnermillu misigitillugit, ineriartortissinnaallugillu meeqqanut pitsaasumik sinaakkusiinissaq anguniagaavoq. Ilqutariinni inuiaqatigiinni aallaaviuvoq. Angajoqqaat akisussaaffimik tigusisut qanilaartuullutillu”.*

”

Meeqerivik Atualertussaleriffik ”Aanikasik”-mi Atuisut ataatsimoorfiata pilersaaruseriorlugu ukioq 2020-mi meeqqat ineriartornerat perorsaaniikkut anguniakkat nutarterneqarput qaammat August 2019 akueralugu naammassivaat piviusunngortinneqartussa.

## Perorsaanermin anguniakkat



### *FN anguniagaa 2020-2030.*

Nunarsuarmin ”Naalagaaffiit Peqatigiinniit anguniagaasoq”

- **Anguniagaq 4 Pitsaassusilimmik anguniagaasoq”**

Piujuartussanngorlugit ineriartortinneqartussaasut:

Qeqqata Kommuniani suleqatigiinnissamik isumaqatigiissut 2021 tikillugu, aammalu *FN-ip ukioq 2030 nallertinnagu qularnaagassai* meeqqanut isumaqatigiissutaat aallaavigineqarput. “Meeqqanut suli atualingitsunut perorsaaniikkut inerikkiartuutaasumik ulluunerani neqeruutit pillugit “*Inatsisartut inatsisaattut siunnersuut nr. 16, 3. December 2012-meersoq*” siunertaraa, meeraq qitiutillugu meeqqamullu angajoqqaatut oqartussaasut/meeqqamik pilersuisuiusut suleqatigalugit meeqqanut ataasikkaanut annertunerpaamik pitsaanerpaamillu ikorfartuinissap qularnaarneqarnissaa, tassuunakkut meeqqap peqqissumik imaqarluartumillu inerikkiartornissaa qularnaarumallugu.

Meeraq imminut naleqartittoq// Inuttut naleqassusaanik misigitittuarnissaa, tamaalilluni inuttut ineriartornissaminut periarfissaqarnerussammat, piumassuseqarnerullunilu sammisassanut, alloriaqqinnissamat arlaatigut misigissutsikkullu ikorfartorneqarnissaa. Tassani anguneqarsimassaaq inuup pisariqartitaa (Maslow) ataaninngaaniik qummut 1-miit qummut 5-mi ilanngullugu, eqqumaffigineqassallutik, taamaalilluni meeqqap sammisaqarsinnaanini tamakkiisumik qularnaassammagu. Taakkulu angutserlugit inooqataanikkut tapersorsorneqarnermigut toqqissisimanissaa. Inooqataanermikkut malittarisassanik ersinngitsunik ersittunillu aallussinissaannut porsaaffigineqarneq ingerlanneqartassaaq. Misigissutsit meeqerivimmi akuerisaammata meeqqat periarfissamik ammaanneqartarput tassuunakkut. Eqimattakkaarneq meeqqat ikittunnguutillugit angusaqarfiulluarmat aallunneqartassaaq suli.

Perorsaaneq pillugu isumaliusersuusiortut isummersuutaasa atorneqartut ukuupput:

Lev Semyonovich Vygotsky Perorsaasoq inatsisileritooq, Russeq,tarnip pissusaanut ilinniaqqissimavoq. Kandidat Paulo Freire Brasiliarmioq perorsaasoq Ilinniaqqinnikuullunili professoritut pædagogikimi. Abraham Maslow USA-mi inunngorsimavoq.

Professorinngorluni(Ph.D) psykologimi.(1934mi). Erik H Erikson malillugu ineriartorneminni killiffiit.

#### 4. Meeqqat pisariaqartitaat

Meeqqap killiffimminiit ukkanneqarnissani isumassorneqarnini naammangitsoq takutikkaangagu angajoqqaaniit sulisuniillu qisuariarfigineqartarpoq, tamaalilluni oqaloqatigiinnerit aallartinneqartarlutik.

Oqaloqatigiinnermi anguniakkat kinguneqanngikkaangata “*suliat akimorlugit suleqatigiinneq ingerlanneqartarluni*”.

##### Meeqqanut isiginnittaaseq

Meeqqap killiffia qaninnerpaaq: (IKT)

- Meeraq inunngornerminiit inuiaqatigiinnikkut kulturikkullu sunniivigeqatigiinneq aqqutigalugu ineriartortoq. Tunngaviit 7-luk (T 1-7) Oqaloqatiginnikkut ilitersineq O.I-ertitsineq atuutilerpoq, qulakkeerneqassalluni sulisup sulinermini tamakkiisumik sakkutut atussammagu.
- Meeqqap eqqarsartaatsimigut ineriartornerani oqaatsit qitiusutut inissisimapput. T 2-5
- Meeqqat ilisimariigaat ilisimaligaallu ataatsimut tapertariittut. T 1-2-3-4-5
- Meeqqat nammineq ilisimasatik isumassarsiarisaraat/ inissitsitertaraat/ aqqissortaraat. T-3-7 Taamaattumik Vygotsky isumaqarpoq meeraq ineriartussaguni tapersorneqassasoq. ilanngukkusupparput pisariaqartoq meeqqap avatangiisiminit isumassorneqarnissaa. T-6

#### 5. Meeqqueriviup perorsaannermi maleruagassai/ ilisarnaatai kulturialu

Aanikasik-up ilisarnaatigivaa meeqqat killiffiiniit siuarsaaneq, oqaatsitigut, silassorissutsikkut, pussutigut, timiminik atuinermigut, inooqataanikkut, naleqatutut misigitinneqarnikkut, attaveqarnikkut piginnaasatigut killiffianiit ineriartortsitsineq aallunneqassalluni. Nerisassaanik nerisinnaassusaa, nerisassat narrugineqartillugit misileqqaarneqartarnissaat mamaagigaluarunikkilluunniit, meeqqap peqqinnissaa ullormullu nukissaqarnissaa pillugu,

\*Sammisaqarnermi “kinaavunga” “Sassarsinnaaneq pingaartinneqarluni ingerlanneqartarpoq.

\*Ullaarnganiit meeqqanut akisussaaffilersuineq

\*Init tamarmik qaammatikkaartumik pilersaarutai assiippup, qaammammut qulequtaq aaliangersimasoq aallunneqartarami.

\*Meeqqat piginnaasarilerigassai sisamanik ukiullit, tallimanik ukiullit, arfinilinnillu ukiullit.

\*Illup iluani init sisamaapput torsuusarsuaqarami meeqqat sulisullu imminnut takukulasuupput, meeqqat imminnut ullut 14-nikkaarlugit pulaakulasuupput.

Meeqqat meeqqerivimmut ullaakkut tamarmik isernerminniit akisussaaffigalugit periutsit atorineqartut makkuupput: Atsiorneq:

Iseqqaanermi tavle-mut atsiorneq.

Meeqqap assia: Meeqqap assini matumiittoq nuullugu, ass: maaniippunga-mut. Aatikkunilu maaniingila-mut nullugu.

\*Misigissutsini sumiinneq: Qanoq misigivunga atini kiinnat sisamaasunut, qungujulasoq, annuttoq, aliasuttoq, qiasoq, pussuttartumi atia allaqqasoq atorlugu qanoq misiginini aallaavigalugu ikkullugu.

\*Piginnaasatigut ineriartortitsineq: Anguniagaq ullaat tamaasa iserunik aallartittarpaa, ilutsit, atit kisitsisit, qalipaait, uumasut, inuliorneq, ulloq suunera qaammat ukioq.

\*Timi gomoom: Ullaarnaniit timi atorlugu eqaarsarneq.

\*Meeqerivimmuut meeqqat nutaat isaagaangata tikilluaqqullugit erfalasuaralersoqqasarpoq.

### **Meeqqanut killiffissiuutit:**

\*Meeqqap killiffiinik killiffissiuinermi sakkut atorneqartartut makkuupput:

\*MIIM 5 ukiullit. (Meeqqap ineriartornermini inissisimaffianut misissuut) (Meeqqap pikkoriffii nuannarisai aallaavigalugit ineriartortitsineq)

\*SPU (Skole Parentheds Undersøgelse) (Meeqqat atualeriaannaanermut killiffissiuutit)

\*TRAS 2-5 ukiullit. (Ulluinnarni inooqataanermik oqaatsitigut ineriartornerup piaartumik nalunaarsorneqarnera)

\*RABU (Meeqqap ineriartornera killiffianik nalunaarsuiffik 2-6 ukiullit)

\*PUB 4-6 ukiullit. (Dansk Pædagogisk Udviklings-Beskrivelse) (Perorsaanikkut ineriartuutaasumik allaaserinniffik.)

\*Børnemappe (Meeqqap ineriartorneranut paasissutissat iliuusissallu)

Isumaalunnermut uuttuut. (Meeqqap immikkut sullinneqartussap nalunaarsuiffiat)

\*Torsuusarsuaqarami atasuinnarmik, sulisut meeqqallu imminnut angajoqqaallu takukulasuupput.

\*Asiartarfik Ikkamiut ukiut tamaasa orninneqartarpoq, kulturitsinnik tammatsaaliineq aalisagaq suliaralugu attorlugu misigalugu, nerillugu, panertuliaralugu angerlaallugu.

## **Ukiumi pilersaarutit nalilersorneqarneri**

### **1. Meeqqat peqataatinneqassapput**

Aammaarlugu malunnartumik meeraq oqalunnerutillugu, meerarlu isummersortillugu, sulisutut apersuinerujussuaq atorneqarluarpoq, akissutissaanik meeqqat arsaartorunnaarlugit, nalorsarpatalu nassuiaaneq, immaqalunniit siunnersorlugit, kajumissaarlugit nammineq qanoq oqariartuuteqarsinnaanersut, soorlu meeraqatiminnut. Sulisut ilisimatusarnerunissartik meeqqat ilisimatusassappata ilikkariartuuaaraat misinnarpoq. Internet atorlugu paasisassarsiorneq atullattaarneqariartulerpoq, atortorissaarutininut nutarterineq peqqutaalluni.

Ukiumut pilersaarutit qaammatikkaartumik ingerlalluarneqarput, qulakkiikkatik uppersaasorsorlugit, meeqqat sammisaqartitsinikkut killiffiisa angajoqqaavinut ukiumut marloriarlutik apuussorneqarput.

Kinguaassiutit pillugit meeqqap ataasiakkaatut pisinnaatitaaffia paasititsiniutigineqarluni makkunatigut:

Meeqqat ataatsimiiarneq ulluinnaap ingerlasarnerani, qanoq iluseqarnissaa, meeqqat isumaat kissaataat tusarneqarlutik, allattoqarlutik, aqutsisoqarlunilu.

❖ Utsuk, usuk, iteq uffarnermi anaana ataatalu kisimik attorsinnaagaat eqqiluisaartillugu.

❖ Meeqqap timini nammineq naalagaaffigaa

❖ Mamakujuttunik tuniniarneqaruni naameersinnaanissaa, inummik nalusaminiit.

❖ Atisat atugassaasut meeqqerivimmiinnermi, ilupaqutaannanngoqqusaannginneq.

❖ Uppatit nammineq pigivagut attuugaqqusaanngitsut, timimik innimiginninnissaq

- ❖ Meeqqap inummik nalusaminik qaaqquneqaruni suaartarnissaanik “ikiortissannik”
- ❖ Meeraq allamut nalusaminut pulaaqquneqaruni, naameersinnaassaaq. Meeqqat tamarmik atualertinnatik aqqsuartaapaat.

Nunaqarfimmut paasisassarsioriaratorneq Kangaamiut-nut, holdit marluk qulingiluanik meerartalik sulisut pingasut iluatsippoq. Meeqquerivimmi meeraqatitik pinnguaqatigalugit peqatiginninneq, nunaqarfiup suliffeqarfii pingaarnertut utoqqaat illuani utoqqaat kutaarlugit, katersugaasivik, oqaluffik pulaarneqarsimapput, meeqqat malunnartumik angajoqqaatik qimallugit imminut angisuutut isiginerat qaffaallalluni, usorsisimaarlutik nuannaarutiginnillutillu. Ilanngullugu ileqqut atukkatik marluk apuuppaat, iloqqasunngortitseriaaseq, aappaatut ullaarnganiit akisussaaffigineqartartut periutsit timitalerlugit meeqqat sulisullu takutippaat.

## 2. Angajoqqaat oqartussaassuseqartut imlt pilersuisuiit peqataatinneqarnerat OK

\*Atuisut Ataatsimoorfiat ukiumut arfineq marlussaa ataatsimiisinneqarpoq, quleqtaralugit: \*2 x Atualertussat anguniagaat/ ilikkagassaat, aappaattut: \*Workshop-mik taasaq peqataapput: Meeqquerivik Atualertussalerivik Aanikasik, Atuisut angajoqqaat, atuarfik , paaritittarfik, atuareermermi ornittagaq. \*Inuup pisariaqartitaa Marslows-pyramide, \*2 x inikkaarluni ataatsimiisitsineq Nukarlernut meeqqat takusatik tusaasatik isigisatik aallavigalugit pinnguarnermi aaqquissuuttaraat, nukappiaraaguni ataamatut sinnganeq, niviarsiaaraaguni aamma taamatut anaanamut. Angajullerni ileqqorissaarnissaq ataqqinninnerunissaq , meeqqap killiffii assigiingitsut ass: salluttorfii. \*“SILA”Inooqataaneq, misigissutsit, kultur, piginnaasat , \*Perorsaaneq (killiliineq), \*Nuannisaqatigiinneq (nereqatigiinneq). meeqqat angajoqqaat sulisullu. \*Angajoqqaat meeqqatilluunniit peqatigalugit kisimiillutik unnukkut perorsaaneq pillugu avitseqatigiinneq. \*Orpiliartitsinerit, Santa Lucia-rtitsinerit ingerlanneqartarlutik \*Ukioq manna aallarteqqinneqarpoq “ *Atuisut ataatsimoorfiat pisariaqartitsineq naapertorlugu atuisut ataatsimoorfiannut nalunaartartussamik pilersitsivoq* ” Eqimattaq nutaanik inuttalerneqarpoq angajoqqaat sisamat, sulisut pingasut ( *AdHoc gruppe*) taasaq. *Ukiumut ataatsimiittarnissat atuisut ataatsimiinnissaat sioqqullugu pisassaaq.*

## 3. Sulisutigut

Inunnik Isumaginninnermi Ikiortimik, tullersorti-millu sulilertoqarpoq. Ikiorti barsel-poq. \*Qaammammut ataasiarluni meeqqueriveqatigiit naapittarnerat ataatsimiillutik, \*Init aqutsisui sap.ak. allortarlugu ataatsimiittarput. \*Inimi sulisut sap ak. allortarlugu ataatsimiittarput. \*Ukiumut tallimassaa meeqqueriveqatigiit ataatsimeeqatigiinnerit ingerlanneqarput: qulequttat assigiingitsuullutik Årshjul allaqqapput. \*Qaammatit marlukkaarlugit meeqquerivittani sulisut ataatsimeeqatigiipput, meeqqanut sammisasaqartitsineq kivitseqatigiit aqutsisoralugit. \*Sulisut marlukkaarlutik akisussaaffeqarput. \*Illumi isumaqatigiissutit/ sulisoqarnermut politikki saqqummiunneqartarput. \*Eqimattaq pilersitaq AdHoc. \*Sulisut ineriartornissaat siunertarlugu aqutsisumiit oqaloqatigineqarput (MUS) ukiumut marloriarluni.\*Coaching sakkutut atorlugu suleqatinut angajoqqaanullu ingerlanneqartarpoq.

Pikkorissarneq:

Ikiueqqaarneq, Drama, Inuk ressource”Inuttut imminut ilisimaarineq & inerikkiartorneq” ,



Ipad-toqarpoq, TTT Tegn til tale, "Meeqqanut killiffissiuutit "MIIM",  
Tunngaviit pingasut, Tatitussuseq (Think Inuk), Regnskab system Konto  
Nunaqarfinni sulisuusut ilitsersornerinut, ukiumut marloriarluni sulisoq qullersarlu  
ingerlatseqataapput, kivitseqatigiinniit aallartitaat.  
Sulisut torsuusamut anillallutik eqaarsaarneq ingerlattarpaat.

## **Ukiumi nutaami sammisassat/ pilersaarutit ulluinnarnilu aaqqissuussaaneq**

### **Ileqqut meeqqanullu immikkut sammisassaqaqtitsineq**

Periutsit ilikkalserterfiusut tunngaviit arfineq marluk T 1-7 atorlugit meeqqat  
eqimattanngorlugit sammitinneqartarput ulluinnarni inuunermi maleruagassat  
ileqqorissaarnissaq aammalu kulturitsinniik aallaavilimmik, killuukkut iganeq, nunattalu  
pissarititaanik atorluaanikkut , ukiup ingerlanerani atugassanik katersisoqartarluni, ukiullu  
qanoq ilinera najoqqutaralugu atorluaanikkut atoqqinneqarsinnaasunik  
sammititsissuteqartumik.

Qaqqani ukiuppat aasaappat anguniagassartalimmik (orienteringsløb), sissanilu angalaarneq  
atorluarneqartarput, misissuineq, katersineq, pinnguarneq silaannarissarnerlu.

Perorsaanikkut sammineqartussaq meeraq ullaamiit isernerminiit akisussaaffilersorneqarnera,  
meeqqatut naleqartutut misigitinnissaa, tatiginera annertusiartortillugu piginnaasatigut  
qaffakkiartorneq siuariartornermik malitseqassaaq.

Ukioq naallugu januar december ukiut nikinneri arfinillit meeqqat peqatigalugit  
qaammatikkaartumik sammisassat pilersaarutinut ikkussuunneqartarput,

Kakkiussami takuneqarsinnaavoq.

Atualertussat atuarfimmuut ikaarsaarnissaannut ukiumut pilersaarutit August –miit maj  
qaammat ilanngullugu ingerlanneqartarput.

Kakkiussami takuneqarsinnaavoq.

FN Meeqqat pisinnaatitaaffiata ulluani 20/11-2020 meeqqat namminneq aaliangigaannik  
inikkaarluni sammisassaqtitsineq, Emne uge.

Atuarfik meeqqerivillu suleqatigiilluinnartarput, meeqqap atualerluarnissaa anguniarlugu  
angajoqqaat peqataatinneqartarnermikkut ataatsimiisinneqartarput.

Atualertussat sammisassaat.

Kakkiussami takuneqarsinnaapput.

Meeqqat 5-6 ukiullit asiartinneqartarnerat aappagumut ingerlanneqaqqissaq, Maniitsup  
avannaatungaaniittoq Ikkamiut/ periarfissaq alla (Illuaraq) sammisassaqtitsinikkut meeqqat  
inuttullu alloriarnissaannut nammineernerulernissaannik peruallaatigisarmassuk,  
misigisaqarfigalugulu, aallartarsimareersut allarnerlu ajortut meeqqat taamaalillutik  
avatangiisiminnik atorluaanissaminnik sungiusarfigisarpaat. Piujuartitsinissamik  
pinngoritamik kulturitsinnilu tammatsaaliinissarlu anguniarneqarluni.

## **Angajoqqaanik suleqateqarneq sammisassaqtitsinerlu**

Ulluinnarni angajoqqaat sulisullu qanimut suleqatigiinnerat, pisut nutaajutillugit anngussuiffiqeqatigiittassapput. Meeqqat qanoq pisariaqtitsinera aallaaviusassaaq.

Meeqqat nutaat meeqqerivimmiileraangata, meeqqanik ataasiakkaanik killiffissiuineq Angerlarsimaffimmi ingerlanneqartalerlikuuvoq, iluatsittumik ingerlateqqinneqassaaq. Meeqqap kulturua tikillugu aammalu inigisamini tulluusimaaruteqarnissaa pillugu. Suleqatigiissitaq angajoqqaat sulisullu eqimattaq AdHoc ingerlaqqissaaq.

## **Sulisut suleqatigiinnerat, sammisassaqtitsineq ineriartornerlu**

Sulisut pisuttuarlutik oqaloqatigiinneq. \*Peqqik helsikabin timip atornissaanut eqaarsaarnermik periarfissaqtitsissaaq. \*Suleqat annaasaqarnerani tungiuineq ingerlanneqartassaaq. \*Ataatsimut iluaagisanik nersualaarutinillu aniatitsineq ingerlateqqinneqassaaq. \*Peqqinnartunik nereqatigiinneq. \*Suleqatigiit imminnut ikiorneq atorluqaqqissavaat. \*Ileqqooreersut najummillugit nutaanut pisussanut ammatitsineq. Nukappiaqqat nivarsiaqqallu pinnguaataat aallunneqaqqissapput. Meeraq toqqissisimangitsoq ullaarnganiit meeraqatilerlugu sulisumit anninneqartassaaq. \*Kalaallit kulturitsinni sammisassat allunneqaqqissapput.

## **Ukiumi aggersumi suna immikkut suliniuteqarfigineqassava**

Meeraq inooqataanikkut piginnaasatigit siuarsarneqarluni piginnaanngorsarneqassaaq, tatigisuunissaa, imminut naleqartinnissaa. Atualernissaanut piareersimanissaa angutserlugu. Ullormut silami anerneq. Qajartorneq, meqqap tatiginerulernissaanut qaffassaaneq. Asiartarfik Ikkamiut, ulluinnarluni unnuillunilu. Nunaqarfiliarneq paasisassarsiorluni. Siusinaartumik iliuuseqarneq, Meeqqat immikkut ikiortariallit suliat akimorlugit suleqatigiinneq. Atualertussat ataatsimut asiaqatigiittanerat anguniagalimmik

## Naggasiut

Meeqperivik Atualertussaleriffik Aanikasik-mi meeqqanik piginnaasatigut ineriartortitsineq ingerlarsorpoq, ukiut sisamassaa atualertussalerivinnngornerani malunniuppoq meeqqat ukioqatigiit imminnut tigulluartartut, taamaalilluni ingerlatsineq sulisuniit ingerlalluarneqarluni, periutsit aaliangersimasut eqaatsumik ingerlatsinermut takussutissaallutik.

Meeqqat inooqataanikkut piginnaasatigut siuariarnissaat tarnikkut timikkullu illersorneqarnerata aallunneqartoq takutippaa sulisup meeqqamut naleqqussarluni sulinissani sinaakkuteqarnikkut qulakkeertaraa.

Meeqqat arfinilinnik ukioqalerlutik ingerlaqqittartut piginnaasatigut siuaraluttuinnarnerat takussutissiivoq ukioqatigiit ineqatigiinnermikkut iluatsittoq.

Ukioq tulliuuttoq 2020-mi anguniakkat aammaarlutik meeqqat angajoqqat sulisullu suleqatigeeqqinnissap imarisaa qulakkeerlugu atuutsittussanngorlugu inaarneqarpoq.

Ilanngullugu Naalagaaffiit Peqatigiit anguniagaasoq “**Anguniagaq 4 Pitsaassusilimmik anguniagaasoq**” anguniakkanut inatsimmiit imminnut atassuserneratigut iliuusissiortoqarpoq malitassamik. Taamaalilluni anguniakkap uuma qulakkiissavaa meeqqat nivarsiaraagaanni nukappiaraagaanniluunniit apeqqutaanani inersimasunngorunik Pitsaassusilimmik ilinniartitaaneq anguniakkat 17-iusut qulaani iliuusissiuunneqartut takuneqarsinnaapput “piujuartussanngorlugit ineriartortinneqartussaasut ukioq 2030 nallertinnagu.

Meeqqanut qaffasissumik pitsaassusilimmik atualernissaannut piarersarneqassallutik, atuleriannaanermut piareeqqasussanngorlugit.

Meeqqallu nammineq isumaliusersorsinnaanera, pilersitsisinnaaneralu apeqqusersuisinnaaneralu ataqqineqassaaq.